



# Cursos CALC, CALG e de Idiomas

## CURSOS CALC

Os Cursos de Actualización Lingüística e Comunicativa (CALC) están orientados ao desenvolvemento das competencias lingüísticas e comunicativas orais nunha lingua estranxeira, co fin de que o profesorado participante acade a capacidade expresiva necesaria para poder impartir docencia nas súas aulas baixo estas premisas. Por este motivo, os CALC están dirixidos preferentemente ao profesorado de centros plurilingües e seccións bilingües que debe impartir a súa materia en lingua estranxeira, pero pode matricularse calquera persoa docente en activo que desexe actualizar os seus coñecementos lingüísticos.

## Asistencia e certificación dos cursos CALC

Os CALC ofértanse a través do CAFI e dos CFR e son impartidos por profesorado das Escolas Oficiais de Idiomas. Estes cursos teñen unha duración de **60 horas** e desenvólvense de xeito PRESENCIAL ou SEMIPRESENCIAL durante o **1º cuadrimestre** do curso escolar (de setembro a xaneiro) ou durante o **2º** (de febreiro a maio). Os imparten profesorado das EEOOII, e teñen lugar nas aulas das EEOOII ou nas súas extensións. Os cursos **presenciais** impártense en dous días á semana, dúas horas cada día.

Estes cursos teñen como obxectivo a **preparación do profesorado para a superación das probas de certificación das EOI**, nos niveis intermedio B1 e B2, e avanzado C1 e C2. As persoas asistentes que **acaden cando menos un 85% de asistencia** recibirán un certificado polas horas de formación recibidas pero **non a acreditación de nivel lingüístico**; para iso deben superar as probas oportunas nunha entidade certificadora, como por exemplo as EEOOII.



## Cursos Semipresenciais

Os cursos **semipresenciais** constan de 1 día á semana de asistencia obrigatoria (2 horas) e 1 día á semana adicado a traballo autónomo por parte dos asistentes, consultas e apoio tutorial (2 horas) a través da plataforma MOODLE;

Os días que figuran para **apoyo tutorial e consultas**, o alumnado ten a posibilidade de consultar dúbidas en liña co seu profesor/-a. Neses días non hai asistencia obrigatoria na EOI. Este tempo asignado será para que os participantes o adiquen a preparar a materia na casa, consultar dúbidas en liña e realizar as tarefas que se marquen, aínda que o poden facer noutras horas durante a semana. Para esta parte non presencial, compútase a asistencia a través da entrega das tarefas que se asignen. Cada participante deberá completar e entregar o 80% das tarefas asignadas.

Os días que figuran como **asistencia SI** é obrigatoria a asistencia presencial na EOI.

## Probas de certificación de nivel de lingua (cursos CALC)

Os participantes nos cursos CALC que cumpran co requisito de asistencia (cando menos o 85%) e desexen realizar as probas de certificación das EEOOI no idioma e nivel cursados deberán formalizar a oportuna **matrícula<sup>1</sup>** na EOI. Estes participantes terán carácter de **alumnado oficial** para os efectos do número de convocatorias. Con todo, o dereito a presentarse ás dúas convocatorias quedará supeditado ás instrucións que emita a este respecto a Dirección Xeral de Formación Profesional.

Os participantes que non cumpran co requisito de asistencia e desexen realizar as probas de certificación, deberán facelo por **LIBRE<sup>2</sup>**. O alumnado non pode estar matriculado no mesmo idioma e curso no mesmo ano académico por ensino oficial e libre simultaneamente.

## Acceso aos cursos CALC

Para acceder a un curso CALC é necesario posuír o certificado/título que xustifique o nivel de lingua inmediatamente anterior ao do curso que se vai cursar, segundo a escala de niveis do MCERL (A1-A2-B1-B2-C1-C2). A relación de certificacións e os niveis aos que corresponden figuran na *ORDE do 21 de xuño de 2016 pola que se modifica a Orde do 18 de febreiro de 2011 pola que se establece o procedemento de acreditación de competencia en idiomas do profesorado para impartir nunha lingua estranxeira áreas*,

<sup>1</sup> Os exames oficiais (convocatorias ordinaria e extraordinaria) celébranse no mes de xuño de cada ano. **As EEOOI abren un período de matrícula para o alumnado dos cursos CALC, polo xeral entre marzo e maio.**

<sup>2</sup> Os exames libres dos niveis **Básico A2, Intermedio B1 e B2, e Avanzado C1** teñen lugar no mes de xaneiro/febreiro de cada ano. Xeralmente, o período de matrícula ábrese nos meses previos.

*materias ou módulos non lingüísticos nos centros docentes públicos dependentes desta consellería (DOG do 7 de xullo de 2016).*

As persoas que **xa teñen recollido no seu expediente persoal** un nivel de lingua determinado, non é necesario que volvan presentalo ao CFR (no caso de seren admitidos a un curso).

As persoas que NON POSÚEN ningún título/certificado que xustifique o nivel de lingua requirido para acceder a un determinado curso CALC poderán facer a **Proba de Nivel para participar en cursos CALC**, a cal ten lugar antes do inicio dos mesmos nos CFR e CAFI. Para realizar esta proba as persoas interesadas **deberán inscribirse en FPROFE** na proba e lugar (CFR ou CAFI) no que desexan facela. O resultado desta proba indicará o nivel no que se poden inscribir.

As persoas que xa posúen un título/certificado recollido na ORDE do 21 de xuño de 2016 **NON TEÑEN** que realizar a Proba de Nivel.

## Cursos de idiomas

Ademáis dos cursos CALC a Consellería de Cultura, Educación, Formación Profesional e Universidade ofrece a través da rede de formación do profesorado e en colaboración coas EEOOII de Galicia outros cursos de idiomas para a actualización, mellora ou formación do profesorado en linguas estranxeiras.

Estes cursos teñen unha duración de **60 horas** e desenvólvense de xeito PRESENCIAL durante o **1º ou 2º cuatrimestres** do curso escolar (de setembro a xaneiro e de febreiro a maio), dous días á semana, dúas horas cada día. Os imparten profesorado das EEOOII, e teñen lugar nas aulas das EEOOII ou nas súas extensións.

As persoas asistentes que **acaden cando menos un 85% de asistencia** recibirán un certificado polas horas de formación recibidas pero **non a acreditación de nivel lingüístico**.

## Inscrición nos cursos CALC e nos cursos de idiomas.

- A inscrición se realiza a través da aplicación fprofe: <http://www.edu.xunta.gal/fprofe/>, na pestana **Consulta/inscrición – Consultar ou inscribirse**.
- Rematado o prazo de inscrición nos cursos, se leva a cabo un proceso de selección segundo os criterios que figuran nas fichas destes cursos.
- A orde de inscrición NON é un criterio de selección.
- Cada persoa poderá inscribirse nun ou varios cursos, pero soamente poderá estar admitida nun deles, polo que deberá confirmar a asistencia no curso do seu interese e renunciar no resto.
- Logo de confirmar a asistencia a un curso, a persoa participante deberá remitir a certificación escaneada do seu nivel de lingua por e-mail ([cfr.coruna.linguasestranxeiras@edu.xunta.gal](mailto:cfr.coruna.linguasestranxeiras@edu.xunta.gal)) indicando o código do curso, e soamente no caso de que non teña recollido ese nivel no seu expediente persoal.



### Outra información de interese: facer buscas de cursos

En fprofe, na pestana [Consulta/inscrición – Consultar ou inscribirse](#) podemos facer buscas dos cursos que hai ofertados, así como outras actividades relacionadas, p.ex. a Proba de Nivel. Podemos seguir este exemplo para atopar as actividades, facendo uso dos filtros que temos á nosa disposición:

**Inscrición de actividades: Curso académico 2020/2021**

**Filtros para a busca**

Competencia profesional: -- Todas --

Centro de formación e recursos: A Coruña

Estado: En prazo ou actividades inscritas

Plan anual de formación: 2020/2021

**Busca avanzada**

Referencia:

Título: CALC

Palabras en contidos/obxectivos:

Modalidade: -- Todas --

Ensinanza: -- Todas --

Corpo: -- Todos --

Especialidade: -- Todas --

Trimestre: -- Todos --

Publicadas despois de:

Formas de participación: -- Todas --

1. No despregable seleccionar o CFR da Coruña

2. Seleccionar o curso actual

3. Inserir, p.ex. "CALC" no campo "Título"

4. Seleccionar -- Todos -- os corpos

5. Premer en "Buscar"

### Este é o resultado da busca:

**Resultados da busca**

Premer sobre o título para acceder á ficha da actividade, onde hai información adicional

| Actividade   | Forma de participación | Modalidade | Temporalización         | Centro de formación e recursos | Inscrición                                 | Contidos/Programa   | Acción  |
|--|------------------------|------------|-------------------------|--------------------------------|--|---|---|
| <a href="#">Inglés. Curso de actualización lingüística e comunicativa (CALC). Nivel B1</a> | Presencial             | Curso      | 1º trimestre            | A Coruña                       | <input type="button" value="Inscribirse"/> |   | <input type="button" value="Premer aquí para iniciar o proceso de inscrición"/> |
| <a href="#">Inglés. Curso de actualización lingüística e comunicativa (CALC). Nivel B1</a> | Presencial             | Curso      | 1º trimestre            | A Coruña                       | <input type="button" value="Inscribirse"/> |   |   |
| <a href="#">Inglés. Curso de actualización lingüística e comunicativa (CALC). Nivel B2</a> | Presencial             | Curso      | 1º trimestre            | A Coruña                       | <input type="button" value="Inscribirse"/> |   |   |
| <a href="#">Proba de nivel para participar en cursos CALC</a>                              | Presencial             | Xornadas   | 30/09/2020 - 30/09/2020 | A Coruña                       | <input type="button" value="Inscribirse"/> | <a href="https://www.edu.xunta.gal/centros/cfrcoruna/aulavirtual/course/view.php?id=759">https://www.edu.xunta.gal/centros/cfrcoruna/aulavirtual/course/view.php?id=759</a> |   |